



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Health**

Broj: 10-04-3621-9/23  
Sarajevo, 10.03.2023. godine

## SKUPŠTINA KANTONA SARAJEVO

**PREDMET** : Odgovor na zastupničku inicijativu – dostavlja se

Zastupnica Elza Gaković, na Četvrtoj radnoj sjednici Skupštine Kantona Sarajevo, održanoj dana 08.02.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo uputila je slijedeću inicijativu Ministarstvu zdravstva Kantona Sarajevo:

„JU Zavod za zdravstvenu zaštitu žena i materinstva Kantona Sarajevo je zdravstvena ustanova čija je djelatnost zaštita reproduktivnog zdravlja žena i materinstva na primarnom nivou zdravstvene zaštite i specijalističko – konsultativna dijagnostika. Obzirom da smo svjedoci na žalost čestih teških dijagnoza a u nedostatku opremljenosti Lokaliteta Novi dispanzerski centar – Otoka, iniciram kupovinu ultrazvučnog aparata sa tri sonde za potrebe Lokaliteta Novi dispanzerski centar – Otoka. Nabavka ovog ultrazvučnog aparata pacijenticama sa područja općine Novi Grad Sarajevo pružila bi se kompletnija i kvalitetnija ginekološka i radiološka zdravstvena usluga.“

U vezi sa upućenom zastupničkom inicijativom dostavljamo sljedeći

## ODGOVOR

JU Zavod za zdravstvenu zaštitu žena i materinstva Kantona Sarajevo je u svom zahtjevu za dodjelu sredstava iz Budžeta Kantona Sarajevo za 2023. godinu iskazala potrebu za nabavkom ultrazvučnog aparata (3 kom.) i aparata za mamografiju (1 kom.). Prepoznajući značaj nabavke navedene opreme u Prijedlogu Budžeta Kantona Sarajevo za 2023. godinu na razdjelu Ministarstva zdravstva planirana su sredstva u ukupnom iznosu od 600.000 KM. Od ukupnog iznosa planiranih sredstava za nabavku opreme iznos od 300.000 KM predstavljaju budžetska sredstva, dok se preostalih 300.000 KM planira obezbjediti putem kreditnog zaduženja Kantona Sarajevo u 2023. godini. Ukoliko od strane Skupštine Kantona Sarajevo bude usvojen Prijedlog Budžeta Kantona Sarajevo kako je planirano, biće provedena procedura javne nabavke naprijed navedene opreme, a distribuciju iste prema lokalitetima u okviru JU Zavod za zdravstvenu zaštitu žena i materinstva Kantona Sarajevo, odrediće menadžment ustanove prema utvrđenim prioritetima.

MINISTAR

Prof. dr Haris Vranić

[Redacted signature box]

